



Foto: Riata Nel

Tyd kan deur jou vingers glip en dan is 'n oomblik vir altyd verby. Kyk nou maar na die sneeu wat die week die berge wit geklee het. Dit het byna gelyk of iemand versiersuiker oor die berge gestrooi het, maar die ysige koue het 'n ander storie vertel.

Ons het Saterdag middag op die ingewing van die oomblik besluit om Ceres toe te ry. Die foto's wat aangestuur is, het belowend gelyk en die Matroosberg het geroep.

Wat 'n belewenis! Die ys het onder ons voete gekraak, die seuns het foto's geneem met die wit berge en sneeu bedekte bome as agtergrond. Plek-plek kon jy sien dat hier al baie voete was wat dieselfde plan gehad het – kom kyk sneeu en speel daarin.

Ons was bevoordeel om dié geleentheid te kon aangryp. Dit was 'n oomblik, toe is dit verby. Die sneeu sal seker nog 'n dag of twee die aarde bedek, maar as jy te lank wag of uitstel, is die oomblik verby en is die sneeu weg – gesmelt. Klink of daar nog sneeu, koue en reën op pad is – Gryp die oomblik!

Dit laat my dink aan die lewe. Mense en geleenthede kom oor jou pad en as jy nie dadelik die geleentheid aangryp of die mense in jou lewe toelaat nie, kan jy uit mis, iets verloor. Dit is soos die sneeu wat smelt voor jy daarop kon loop, die koue kon beleef of die spierwit, prentjie-mooi landskap kon indrink, foto's neem en die oomblik geniet.

God stuur mense en geleenthede oor jou lewe, gryp dit aan!



Kinkel in die kabel: Die Nuuskrummels het die laaste paar weke nie by almal uit gekom nie. Dankie vir diegene wat dit onder ons aandag gebring het. Dit is hanteer en ons glo almal op die database sal nou weer die Nuuskrummels per e-pos ontvang. Stuur asseblief 'n epos na admin@lourensriver.co.za indien jy in die toekoms nie die Nuuskrummels kry nie. Indien jy die Nuuskrummels verkeerdelik ontvang, kliek op "unsubscribe".

Kniewerk

Voorbidding vir :

- Ds. Petrie vir sy boodskap.
- Ons innige meegevoel met Hester Champion, met die heengaan van haar man, Alfred.
- Ons innige meegevoel met Elizma Bester en gesin met die heengaan van haar vader.
- Ons innige meegevoel met familie van mev. Sannie Engels, wat oorlede is.

Ds. Petrie

Video- en Geskrewe-boodskap



SONDAG 30 Augustus 2020

Video:

<https://www.youtube.com/watch?v=z-LYVovagUc>

Geskrewe boodskap:

https://www.lourensriver.co.za/images/Mattheus_16v21-28.pdf

Geen eredienste of byeenkomste in kerkgebou tot verdere kennisgewing

Weens die hoë risiko van infeksie in die Wes-Kaap sal daar tot verdere kennis geen eredienste of byeenkomste in die kerkgebou wees nie. Ds. Petrie, Charlene en Riata werk van die huis af en kan enige tyd gekontak word. Mense wat graag wil help met kospakkies of donasies/gelde/dankoffer kan ons kontak en 'n afspraak maak om dit by die kerkkantoor af te gee.

Ds. Petrie 073 166 1306

e-pos: petrie@lourensriver.co.za

Charlene 082 384 4037

e-pos: fin@lourensriver.co.za

Riata 082 560 5283

e-pos: admin@lourensriver.co.za

Baie dankie vir elkeen wat tot die koskas bydra en bygedra het. Ons kon, danksy die skenkings, verskeie families help en ondersteun.

Mense wat graag kos by die kerk wil afgee, kan ds. Petrie kontak vir 'n tyd en dag.

Sy nommer is 073 166 1306

Besoek ons webblad:

Lourensriver.co.za

Facebook blad:

Lourensriver SeMense

Lifeline Youth

Lourensriver Dinamiet KIEDZ:

VLAK 2 INPERKINGS - HOE RAAK DIT ONS EREDIENSTE?

Ons baie dankbaar is vir die verdere verligting en opheffing van sommige inperkingsregulasies soos onlangs deur ons president afgekondig. Ons bid en vertrou dat dit meer uitkoms en ekonomiese groei sal bring vir baie mense wat negatief deur die Covid-19-situasie geraak is. Wie sou ooit kon dink dat die jaar 2020 gaan lyk soos wat dit tans lyk? Ek het meer as ooit te vore besef hoe afhanklik ons van die Here se genade is.

Ongelukkig het daar, wat kerklike byeenkomste betref, geen verdere verligting gekom met die skuif na vlak 2 nie. Dieselfde regulasies geld steeds soos met vlak 3. Dit behels die volgende:

1. Slegs 50 persone word in die kerkgebou toegelaat.
2. Streng protokol moet gevolg word:
 - a) By die deur moet hande gewas word met reinigingsmiddel.
 - b) Koors moet geneem word.
 - c) 'n Presensielys moet ingevul word met elke persoon se naam en kontakbesonderhede.
 - d) Die dra van gesigsmaskers is verpligtend en sosiale afstand van 2 meter moet in die banke gehandhaaf word.
 - e) Gemeentesang word nie toegelaat nie.
 - f) Sakramentbediening (Doop & Nagmaal) moet verkieslik nie plaasvind nie om die risiko van infeksies te vermy.
 - g) Geen sosiale interaksie mag plaasvind nie – bv. tee/koffie in die voorportaal
 - h) Die gebou moet voor en na elke erediens ontsmet en skoongemaak word.
3. Dieselfde protokol moet met begrafnisdienste gevolg word.

Uit bogenoemde blyk dat dit tans nog nie vir ons prakties is om met erediens en kategese in die kerkgebou te begin nie (Bgrafnisdienste word wel gehou). Kerklike byeenkomste was met die uitbreek van die pandemie 'n groot bron van infeksies, en dit bemoeilik sake vir ons. Ons hoop om teen middel September groter verligting te kry, maar dis natuurlik geen waarborg nie. Intussen gaan ons voort met die beplanning van ons Feesmark wat einde Oktober begin. Hopelik word ons teen daardie tyd toegelaat om dit te mag hou.


Tensy daar iets drasties verander, sal die Belydenisaflegging van katkisante wel plaasvind op 18 Oktober, soos op ons kalender aangedui.

Die protokol vir erediens sal dan gevolg word.

Dankie vir elkeen se begrip en geduld in hierdie tyd.

Ons sien daarna uit om die Here weer saam met mekaar in die kerkgebou te mag dien.

Groete in Christus
Petric



HUWELIKSWEEK

SA Huweliksweek word jaarliks in die eerste week van September gevier. **Hierdie jaar se tema is GROEI SAAM** en ons gebed, saam met die organiseerders van Marriage Week, is dat jou huwelik versterk en gekoester sal word - en dat julle in hierdie week en vorentoe saam sal groei. – Intiem (BRON)

Hoe kan jy deelneem?

Besoek www.samarriageweek.co.za en teken in om die GRATIS daagliks inspirasie per epos te ontvang. <https://samarriageweek.co.za/>

Daar is ook 'n gratis huwelikstoets wat julle kan voltooi om enige punte in jul huwelik waar daar dalk werk nodig is, te identifiseer. Vir die toets. <https://www.safamily.co.za/marriage-assessment/>

Wil julle dalk met 'n berader gesels oor jul huwelik?
<https://www.safamily.co.za/counselling/>

Indien jou huwelik gebed nodig het, kliek op <https://samarriageweek.co.za/> en vul jou besonderhede in op die vorm aan die onderkant van die bladsy.



Meisies Agter God



80 + Verjaarsdae vir September

SEPTEMBER
2020

80 +
90 +
Verjaarsdae

Baie geluk!!

Marlene Jackson 02/09 (79)
Joey van Onselen 02/09 (94)
Helena Arangies 09/09 (91)
Roline Jordaan 15/09 (82)
Hennie Langenhoven 17/09 (86)
Betsie Esterhuyse 21/09 (82)
Anstone Loxton 23/09 (84)
Helene Smith 23/09 (90)
Marie Oosthuizen 26/09 (90)
André Kotzé 29/09 (90)
Nico Pienaar 29/09 (90)
Apie Slabbert 30/09 (82)

Nuus uit die omgewing / kursusse / inligting:

AccuCare Tuis Verpleging

Wanneer verswakking of siekte intree, kan dit 'n traumatiese uitdaging wees vir pasiënt en familie om normaal by die huis te funksioneer.

By AccuCare, glo ons dat om in die gemak van jou eie bekende omgewing te bly, emosioneel en fisies die gerieflikste en bekostigbaarste oplossing is.

AccuCare het 'n holistiese benadering en is toegewyd om ons kliënte met die beste huis versorging te voorsien met die fokus op Onafhanklikheid, Sagmoedigheid, Respek en Integriteit. Ons pas ook aan by die persoonlike en unieke behoeftes van ons kliënte.

Ons tariewe is baie kompeterend en voorsien Dagdiens, Nagdiens, 24 uur diens, 5 ure diens asook Inslaap diens deur opgeleide versorgers.

AccuCare word bestuur deur die eienares Adele Eastes, wat self 'n opgeleide Ingeskrewe Verpleegkundige is met oor 20 jaar verpleeg ervaring.

Vir meer inligting, kontak

082 756 4898 (8vm - 4nm) of stuur 'n epos aan info@accucare.co.za

Besoek ook gerus ons webtuiste www.accucare.co.za

JC VORSTER

Tel new: 065 816 9617

HEARING CARE

...professional audiology services.

Medical Aid Rates

- Hearing aids • Hearing tests • Batteries • Repairs • Noise Protection

E-mail: hearcare@outlook.com



DINKJEUG WEBINAR: OUERTOERUSTING

In hierdie Covid-19 tyd het gemeentes opnuut ontdek watter belangrike rol ouers of voogde kan speel in die vorming van geloof by kinders en tieners.

Kom kry wenke en 'n raamwerk oor hoe om ouers in jou gemeente toe te rus om gewoontes, gesonde ouerskap en huisgeloof te beoefen.

Registreer by: <https://forms.gle/EA8npgDC98iYVDZG6>

Biddag vir Dowes - 6 September

Vir meer as 139 jaar lêwer die Nasionale Instituut vir Dowes (NID) dienste soos onderrig, opleiding, sorg en maatskaplike dienste aan Dowes en persone met gehoorverlies. Dit gebeur dikwels dat hul gekonfronteer word met die vraag: "Waarom het Dowes ondersteuning nodig?"

Die uitdagings is hoofsaaklik in die area van taalverwerwing en kommunikasie, wat aansienlike beperkings op hul algemene menslike dag-tot-dag bedrywighede kan stel en 'n geweldige impak op hul lewens kan maak. Dit verminder geleenthede, affekteer hul werksituasies, persoonlike lewens sowel as sosiale lewe – nie omdat hulle nie in staat is om hier te floreer nie, maar bloot omdat hul beperking aan voldoende kommunikasie in 'n dikwels ontegemoetkomende horende wêreld, hul nie die ruimte bied om deel te wees nie. Verskeie pogings en projekte word deur NID geloods om die horende gemeenskap meer bewus te maak van hierdie kwessies en hul toe te rus om met Dowes te kan kommunikeer en hul meer tegemoet te kan kom.

Eerskomende Sondag is Biddag vir Dowes en September is ook Maand vir Dowes. NID fokus spesiaal op bewusmaking ten opsigte van Dowe kultuur, die uitdagings wat Dowe persone elke dag in hulle lewens ervaar, asook die pogings wat nasionaal aangewend word sodat Dowe persone en persone met gehoorverlies op gelykevlak met horende persone die samelewing kan betree. Dra asseblief die NID, Dowes en persone met gehoorverlies in u gebede op.

Vir meer inligting of navrae rakende skenkings, besoek www.nid.org.za of stuur 'n e-pos na nid@nid.org.za.

Biddag vir Dowes

06 September 2020

Die waardevolste van alles is gebed – diep, innig, met passie en baie danksegging.
God hoor elke gebed, en daar waar twee of meer saam bid,
is Sy teenwoordigheid tasbaar.

DANKIE DAT U VANDAG SAAM MET ONS BID VIR DOWES.



Om 'n verskil te maak ten bate van Dowes en persone met gehoorverlies by NID:
Bankbesonderhede • NID Ontwikkeling / Absa Bank / Rek: 911 845 2209 / Verw: Bid (naam en van)
Stuur asseblief bewys van betaling na admin.fr@nid.org.za.



NASIONALE INSTITUUT VIR DOWES • SEDERT 1881

tel +27 (023) 342 5555

e-mail nid@nid.org.za

posbus 941, Worcester, 8849

website www.nid.org.za

Gedagte
vir die
week

Ek gaan alles rondom my mooi maak
en dit dan my

LEWE
noem!

